



Aningaasaqarnermut Nunanullu Allanut Naalakkersuisoq

Marlunnigornermi ulloq 7. november 2006-imi Aningaasaqarnermut Ataatsimiititaliap aalajangiinera pillugu Naalakkersuisunut ilisimatitsineq - Suliaq nr. 01.31.06/06-00201 (Naalakkersuisut aalajangiinerat ulloq 20. oktober 2006, imm. 2a)

Kontomi pingaarnermi 84.40.17-mi, Meeqqanik inuusuttunillu paaqqinnittarfinnut tunngasumi, Attumi ukiumikkut akuleriinnut paaqqinnittarfiup inaarsarneqarnissaanut atugassanngortitsinissaq.

Naalakkersuisut **inassutigaaat**,

- kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit 1.555.000 kr.-inik appartinneqassasut.
- suliassamut nr. 092.41.044 Attumi ukiumikkut akuleriinnut paaqqinnittarfiup inaarsarneqarnissaa, kontomi pingaarnermi 84.40.17 Meeqqanik inuusuttunillu paaqqinnittarfiit, aningaasaliissutit 1.555.000 kr.-inik qaffanneqassasut.

Aningaasaqarnermut Ataatsimiititaliap oqaaseqaatai

Attumi paaqqinnittarfissap inaarsarnissaanut aningaasaliissuteqarnissaq suliame matumani Naalakkersuisunit qinnutigineqarpoq.

Attumi ulluunerani paaqqinnittarfimmik sanaartorerup inaarsarneqarnissaanut aningaasaliinissamik qinnuteqaat Aningaasaqarnermut Ataatsimiititaliap ulloq 17. december 2003-mi ataatsimiinnerani siullermeerluni suliareqarpoq, suliniut nr. 092.41.034 (Aningaasaqarnermut Ataatsimiititaliap suliama nr. 03/01.36.02.06-47)

Aningaasaqarnermut Ataatsimiititaliamut Naalakkersuisut taamani qinnuteqaataanni ilaatigut allassivoq: (Immikkoortut ataasiaakkat ersarissaasigaapput)

“Pineqartoq: Attumi ulluunerani meeqqanik paaqqinnittarfissap sananerata inaarsarnissaanut aningaasaliiffigineqarnissamik qinnuteqaat, konto pingaarneq 84.40.17 Meeqqanut inuusuttunullu paaqqinniffiit, suliassaq nr. 092.41.034.

*Kangaatsiap Kommuniata 2002-mi ukiakkut Attumi ulluunerani meeqqanik paaqqinnittarfimmik sanaartorneq aallartippaa Namminersornerullutik Oqartussanit aningaasaleeqqataasinnaanermik neriorsorneqanngikkaluarlutik. Aningaasaliisarnermi sanaartukkanut aningaasartuutit tamarmiusut nalinginnaasumik 50%-iat aningaasaliiffigineqartarpoq. **Kommunip sanaartorneq ingerlassimavaa sanaartukkap tamarmiusup akiata 4,3 mio. kr. iusut 50%-iata kiisalu 779.000,00 kr. Kangaatsiap illoqarfiani meeraaqqerivimmik sanaartornermit sinneruttut atoreernissaasa tungaannut, suliaq nr. 090.41.008, kontomi pingaarnermi 84.40.17 Meeqqanik inuusuttunillu paaqqinnittarfiit. Tamanna pisimavoq Kommunip kukkusumik ilimagisimammagu aningaasat taakku atornissaannut pisinnaatitaallutik. **Taamaalilluni 2,85 mio. kr. sanaartornermut atorneqarsimapput. Taakku saniatigut ani-ngaasat atunngitsuukkat 160.000 kr.*****

uninngaannarput, suliassaq nr. 090.41.025-mit pisut, Ulluunerani meeqqanik paaqqinnittarfiup iluarsaannera, Kangaatsiaq kontomi pingaarnermi tassanerpiaq (aningsaasat taakku kommuniip naatsorsugaani ilaangillat).

Ineqarnermut Attaveqaqatigiinnermullu Pisortaqarfik isumaqarpoq aningsaasat atunngitsuukkat katillugit 939.000 kr. qanorluunniit pisoqaraluarpat utertinneqassasut konto pingaarnermut 80.00.10-mut Sanaartugassanut iluarsagassanullu Aningaasaateqarfimmit utertitat.

Aningaasaliiffigineqanngitsumik sanaartortoqarnera Naalackersuisunit paasineqarmat sanaartorneq unitsinneqarpoq sanaartornerlu naammassineqanngitsaq matuneqarpoq aserfallannissaa pinngitsoortinniarlugu. **Sanaartugaq piaartumik naammassineqanngippat ukiup aggerup ingerlanerani illutaa qularnannngitsumik asiussaaq, qalia gipsiinnarmik qallerneqarsimammat.**

Inunnik isumaginninnerup annertusarnissaa pillugu Kaajallaasitaq nr. 213, 1. december 1993-imeersumi § 3 imm. 1 naapertorlugu Inatsisartut aningaasanut inatsisissaata akuersissutigineranut atatillugu isumaginnermi paaqqinniffinnut tapiissutit annertussusissaat aalajangerneqartarpoq. Konto pingaarnermut 84.40.17-mut missingersuutinut ilanngussani tapiissut taanna 50%-nut annertussusilerneqarpoq.

Illuliap inerineqanngitsup asiunissaa pinngitsoortinniarlugu sanaartukkamut 2,15 mio. kr. aningaasaliissutiginnissaat pisariaqarpoq, taamaalillutik Namminersornerullutik Oqartussat kommunimut 50%-imik tapiissuteqarlutik. Aningaasaliinissaa pisinnaassaaq ilaatigut aningsaasat utertinneqartut atornerisigut, suliassaq nr. 090.41.008-mit Meeraaqqerivik, Kangaatsiaq kiisalu suliassaq nr. 090.41.025-mit Ulluunerani meeqqanut paaqqinnittarfiup iluarsaannera, Kangaatsiaq aammalu kontomit pi-ngaarnermut 80.00.01-mit Nuussinissanut sillimmatinit nuussinikkut.

....
Naalackersuisoqarfiit ilisimaarivaat Kangaatsiap Kommunia taamaalilluni Namminersornerusunit aningaasalerneqarmat, naak Kommuni Ilaqutaraiiussutsimut Peqqinnissamullu Naalackersuisoqarfik malillugu salliutinneqarsimangikkaluartoq, akiliisinnaassuseq nunatsinni siusinnerusukkat appasinnerpaat ilagisimannngimmassuk. Oqaatigineqassaaq meeqqanik inuusuttunillu paaqqinnittarfinnut aningaasaliisarnerup nalileqqinnerani Kangaatsiap Kommunia kingullinneqartussatut inissinneqarmat.

Saqqummiussap matuma suliarinerani aamma ilanngullugu nalilerneqarpoq Kangaatsiap Kommuniata aningaasaliiffigineqarnissamik kissaataata akuersissutiginera malitassatut isigineqalersitsisinnaammat pissutaalersinnaallunilu kommunit allat sanaartorritilernissaannut Namminersornerusunit kingorna aningaasaliiffigineqarnissamik naatsorsuuteqarlutik.

Taamaakkaluartoq Ineqarnermut Attaveqaqatigiinnermullu Pisortaqarfimmi oqimaannepaasimavoq Kommunip qinnuteqaataa akuerineqassanngippat 2,85 mio. kr.-inik aningaasaliinerup annaaratarneqarsinnaanera sanaartorneq piaarnerpaamik naammassineqanngippat.

Isummernissanut tunngavissiaq Aningaasaqarnermut Pisortaqarfimmut tusarniaassutigineqarsimavoq, taanna ima oqaasissaqarlunni:

Kangaatsiap kommunia sanaartornermik aallartitsinikuvoq Namminersornerullutik Oqartussanit siumoortumik neriorsuutitaqanngitsumik tamannalu Namminersornerullutik Oqartussat missingersuutaat pillugit Inatsisartut inatsisaannit erseqqilluinnartumik saneqqutsineruvoq. Tamatuma assingajaanik pisoqartillugu periaatsit aalajangersimasut tunngavigalugit Namminersornerullutik Oqartussat tapersiutimik utertinnissaat tamatigut toqqartarsimavaat.

Sanaartukkamut tapersiinissaq Naalakkersuisut toqqassappassuk, naak kommuni missinggersuusiornermut inatsisip siunertaanik Namminersornerullutillu Oqartussani sanaartornermut suliassanut tapiiissutinik agguasseriaasiannik unioqquitsisumik tunngaveqarluni sanaartukkamik aallartitsisimagaluartoq...siunissami suliassartussanut nuannartorisassarsiortalernissanut tamanna navianaateqarluinnarpoq. Tamatuma kingunerissavaa Namminersornerullutik Oqartussat siunissami piffissarujussuaq nukippassuillu atortalersinnaammagit kommuniit piumasaqaatit itigartitsissutigisalernissaannut. Isumaqaatiginninniartarnissani sanngiinerulertoqassaaq Namminersornerullutillu Oqartussat siunissami aningaasartuutit saniatigut aningaasartuuteqarnerussuteqartalernissaannut navianartoqarluni.

Sanaartukkap salliutinnerata aamma kingunerissavaa, sanaartugassat tamarmiusut iluanni salliutitsisarnissamik periaaseq sanaartukkat tamaasa pisortanit salliutinneqartarnissaannik qulakkeerinnissamik periaatsip saneqqunnissaa toqqarneqartalissammat. Taamatut periaaseqarnerup saneqqunnissaata kingunerissavaa sanaartukkap ataasiakkaap salliutinneqartalernissaa, sanaartornermi pisortat salliutitsisarnerat eqqarsaatiginngivillugu.

Siunnersuutigineqarpoq aningaasaliinissap ilaa pissasoq 779.000 kr.-it utertinnerisigut, Kangaatsiap illoqarfiani meeraaqqeriviliornermi sinneruttunit kiisalu suliassaq nr. 090.41.025-mit Ulluunerani meeqqanik paaqqinnittarfiup iluarsaanerani, Kangaatsiami kontomit pingaarnermi 84.40.17-mit 160.000 kr.-it utertinnerisigut, sanaartukkamut pineqartumut atorneqarnissaannik siunnersuutigineqartumut, tassa Attumi ulluunerani meeqqanik paaqqinnittarfimmik sanaartornermut. Aningaasat taakkuupput qanorluunniit pisoqaraluarpat Kangaatsiap Kommuniata Nunatta Karsianut utertitassai, kommunillu avataanit aqutsivigineqalernera imaannigilaq suliassaq oqilisaatissatut isigineqassasoq. Namminersornerusut taamaalillutik allannortitassaanngitsumik ani-ngaasat atunngitsuukkat utertillugit pisussaavaat.

Tunngavilersuutit siuliani taaneqartut tunngavigalugit Aningaasaqarnermut Pisortaqarfiup siusinnerusukkat naliliinini aalajangiusimassavaa sulisaami pineqartumi aamma Kangaatsiap kommunianiit qinnuteqaat itigartitsissutigineassasoq.

....

Aningaasaqarnermut Ataatsimiititaliap aalajangenera

Aningaasaqarnermut Ataatsimiititaliami amerlanerussuteqartut, Ane Hansenip, Augusta Sallingip aamma Per Skaaningip, Naalakkersuisut inassuteqaataat akuersaarsinnaanngilaat.

... ”

Siusinnerusukkut suliaq siuliani issuaavigineqartoq Naalaakkersuisut qinnuteqaatiminni Aningaasaqarnermut Ataatsimiititaliamut maluginiaqqusimasinnaagaluarmissuk Aningaasaqarnermut Ataatsimiititaliap aallarniutigalugu oqaatigissavaa.

Tamatuma saniatigut aningaasaliinissamik qinnuteqaatip matuma qulaajaaffiginissaa eqqarsaatigalugu Naalakkersuisunut apeqqutinik tulliuttunik ataatsimiititaliaq saqqummiussinissamik kissaateqarpoq.

1. Attumi paaqqinnittarfiup allannngortinneqarnissaanut pisut suut tunngavissiisuuppat, ulluunerani paaqqinnittarfiusussaagaluarnermiit akuleriinnut paaqqinnittarfinngortussanngorneranut, aamma paaqqinnittarfiit ilusaat marluk taakku sunarpiaruna assigiinngissutigigaat?
2. Attumi akuleriinnut paaqqinnittarfik kikkunnit atorneqartussaassava?
3. Attumi akuleriinnut paaqqinnittarfimmik pilersitsinissamik kissaateqarnermut paaqqinninnissamut pisariaqartitat suut isumagineqanngillat, paaqqinnittarfiillu pioreersut aqutigalugit pisariaqartitat suut iluarsineqarnissaat periarfissaqarpa?
4. 2003-imi sanaartornerup unitsinneqarneraniilli illu ilaatigut inaarsarneqarsimasoq siunertanut sunut atorneqarsimava, piffissamilu tassani sanaartornermik nakkutilliineq kikkunnit ingerlanneqarsimava? Nakkutilliineq pillugu nalunaarusiortoqarsimappat taanna nassuteqquneqarpoq.
5. Qinnuteqaammi siullermi 2003-imeersumi allassimavoq, sanaartornermut kommunip 2,85 mio. kr.-it sanaartornerup unitsinneqarnissaa sioqqullugu atorsimagai. Maannali Naalakkersuisut allappaat kommuni 1,4 mio. kr.-inik taamaallaat aningaasartuuteqarsimasoq. Tamanna qanoq imminut ataqatigiissuteqarpa?
6. Qinnuteqaammi siullermi 2003-imeersumi allassimavoq, sanaartornermut tamarmiusumut aningaasartuutissat 4,3 mio. kr.-iusut. Aningaasat taakku ullumikkut 4,51 mio. kr.-imut qaffassimapput. Aningaasat sanaartornermut atugassat nutartikkat taakku qanoq missingersorneqarsimappat, *piviusorsiortuualu* sanaartornerup unitsinneqarnerata sanaartornissamullu aningaasat atugassaaqqartunut sanilliullugu taamaallaat 200.000 kr.-inik aningaasartuuteqartoqareernerata kingorna sanaartorneq ukiut pingasut qaangiunnerini inaarsarneqassappat?
7. Aningaasartuutissat suut aalajangersimasut ukiumi aningaasaliiffiusumi matumani landskarsip aningaasaliissutaasa matussusissanerai naatsorsuutigineqarpat, aningaasallu ulloq 31. december 2006 nallertinnagu atorneqarsinnaanerannut qularnaveeqqutit suuppat?
8. Ukiornissaani aggersumi suliniut piaartumik inaarsarneqanngippat gipsi taamaallaat matuinnarneqarsimammat illu asiussasoq Ineqarnermmut Attaveqarnermullu Pisortaqarfiup 2003-mi qinnuteqaateqqaavani allassimavoq. Matuma kingorna illup asiunerata nassatarisaanik ajoqusernernik Naalakkersuisut paasisaqarsimappat, ilisimatitsissutitullu taaneqartut sanaartornissamut aningaasaliissutaqqaartunut sanilliullugu taamaallaat 200.000 kr.-iunerat qanoq taakku imminnut ataqatigiissuteqarpat?
9. 2007-imi aningaasanut inatsisissatut siunnersuummut atatillugu Kommuneqarfik Kangaatsiap aningaasaliissutissatut kissaatigisaani pingaarnersiukkanit 20-usunit Attumi meeqqeriviup inaarsarneqarnissaa 20-tut inissinneqarsimanera eqqortuua?

Taamaattoqarsimappat, Attumi ulluunerani paaqqinnittarfimmik sananissamik siuartitsinissaq suliniummit pingaartinneqarnerusumit ataatsimit sooq Naalakkersuisunit salliutinneqassalluni kissaatigineqarnersoq ilisimatitsissutigeqquneqarpoq.

10. Kommuneqarfik Kangaatsiap missingersuutimini siunertamut aningaasat 2007-imi illikartinnissaat naatsorsuutigisaa eqqaassanngikkaanni piffissami matumanerpiaq aningaasaliinissamut qinnuteqaammik matumannga Naalakkersuisut nassiussinerannut suna tunngaviua?
11. Landskarsip aningaasartuusaasa pingaarnertut pingaarnersiuffigineqarnissaat pillugu missingersuusiorneq pillugu inatsimmi anguniarneqartumut qinnuteqaat manna naapertuuttut Naalakkersuisunit isigineqarpa?
12. Suliami Aningaasaqarnermut Pisortaqarfiup tusarniaanermut akissuteqaataa siulleg 2003-meersoq naapertorlugu kommunit allat eqqarsaatigalugit aningaasaliinissamik qinnuteqaatip matuma akuerineqarnera ilaarsinissamik sunniutinik sunik nassataqassava?
13. Aningaasaqarnermut Pisortaqarfiup tusarniaanermut akissutaa 2003-meersoq siuliani issuaavigineqartoq Aningaasaqarnermut Ataatsimiititaliap suliamik nalilersuineranut pisariaqartutut suli Naalakkersuisunit isigineqarpa?

Aningaasaqarnermut Ataatsimiititaliap aalajangiinera

Siuliini oqaaseqaatigineqartut innertuussutigalugit Naalakkersuisunit inassuteqaatit isummerfigineqarnissaat Aningaasaqarnermut Ataatsimiititaliamit **kinguartinneqarpoq**. Apeqqutitut allanneqartunut oqaaseqaatinullu Naalakkersuisut akissuteqaataat ullumi ulloq aallarnerfigalugu ullut 14-it ingerlanerini tiguneqarnissaat ataatsimiititaliamit qinnutigineqassaaq.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq